

**ISUMAQATIGIISUMMUT TAPILIUSSAQ
UANNGA
NORSKIT KALAALLILLU ATTAVEQAQATIGIINNERMUT ATAATSIMIITITALIAANNI
ATAATSIMIINNEQ**

**Qarasaasiaq aqutigalugu
Ulluni. 6.-8. januar 2026**

Illuatungeriilluni aalisarnikkut attaveqaqatigiittarnerit pillugit Norgep aamma Kalaallit Nunaata/Danmarkip isumaqatigiissutaat 9. juni 1992-imeersoq tunngavigalugu 2026-mut illuatungeriilluni aalisarnissamut pisassiissutit makku isumaqatigiissutigineqarput:

1 NORGEP ANINGAASARSIORNIKKUT IMMIKKUT OQARTUSSAAFFIGISAANI KALAALLIT NUNAATA AALISARNERA 62°N-IP AVANNAANI

- a) 2920 tons norskit issittumi saarulliinik¹
- b) 533 tons norskit saarullernaat (hyse)¹
- c) 454 tons norskit issittumi saarulliusaavinik¹
- d) 425 tons aalisakkat saniatigut pisat allat (suluppaakkat qalerallillu)

¹ Ilanngullugulu taakku pisassiissutit Svalbardip imartaani aalisarfigeqqusaanngitsumi aalisarneqarsinnaapput.

Ammassat pillugit nunat pingasuullutik peqatigiinnermik isumaqatigiissut atuutisillugu tamanna atuutissaartaaq.

Qalerallinnik saniatigut pisat (blåkeite)

Aalisagaqatigiinnik allanik aalisarnermi pisani ataasiakkaani tamani qalerallinnik saniatigut pisaqarneq 12 % tikillugu aamma aalisarnerup naammassinerani 7 % tikillugu usinissai pisallu tulaannissaat akuerisaavoq.

2 KALAALLIT NUNAATA ANINGAASARSIORNIKKUT OQARTUSSAAFFIGISAANI NORGEP AALISARNERA

2.1 Kalaallit Nunaata Kitaani:

- a) 600 tons qaleralik. Qalerallinniarneq 64°30'N-ip kujataani qalerallinniartoqarsinnaavoq.

2.2 Tunu:

- a) 250 tons qaleralik
- b) 15 tons nataarnat
- c) 400 tons suluppaakkat natersiortut
- d) 360 tons tinguttuut
- e) 100 tons tupissutit
- f) 325 tons saniatigut pisat Kalaallit Nunaanni maleruagassat sukkulluunniit atuuttut naapertorlugit.

2.3 Tunu/Kalaallit Nunaata Kitaa

- a) 720 tons saarullit sumiiffinni ICES 14-imi (360 tons aqutsiveqarfimmi Kalaallit Nunaata Kitaata Kangiata kujataani aamma 360 tons aqutsiveqarfimmi Dohrn Bankemi)²

² Taakkunannga sumiiffinni tamani saarullit 100 tonsit saniatigut pisat qaqinneqarsinnaapput. Saarullinniarnermut tunngasut ilanngussaq 3-miittut takukkit

3 KALAALLIT NUNAATA SAARULLINNIARNERANI MISAQQARNARNIARNERANILU RUSLANDIP ANINGAASARSIORNIKKUT OQARTUSSAAFFIGISAATA AAMMA NORGE ANINGAASARSIORNIKKUT OQARTUSSAAFFIGISAATA AKORNANNI NUUSSISINNAANEQ

- 3.1** Saarullinnik misaqqarnanillu pisassiissutit Ruslandimit Kalaallit Nunaannut tunniunneqartut, Ruslandimi oqartussat akuersinerisigut, Norgep aningaasarsiornikkut oqartussaaffigisaannut 62°N-ip avannaanut aamma/imaluunniit Svalbardip imartaanut aalisarfigeqqusaanngitsumut nuunneqarsinnaapput. Ammassat pillugit nunat pingasuullutik peqatigiinnermik isumaqatigiissutaat atuutsillugu tamanna atuutissaaq.
- 3.2** Nuussisoqarniartillugu Kalaallit Nunaanni oqartussat Norgemi oqartussanut allakkatigut qinnuteqaammik, taassumalu assilinera Ruslandimi oqartussanut akuerisassaattut nassiunneqassaaq Norgep aningaasarsiornikkut oqartussaaffigisaani pisassiissutit tamarmiusut ilaaluunniit aalisarneqarsinnaasut. Qinnuteqaat tamanna akuerineqarpat Norgemilu oqartussat Norgemi Ruslandimilu pisassiissutitut periarfissat nuunneqarsinnaasut pillugit ilisimatitsissuteqarpata, sumiiffinni pineqartuni aalisarneq aallartissinnaangussaaq.
- 3.3** Pisassiissutit nuunneqarsimasut tamakkerlugit ilaaluunniit utertinneqarsinnaapput. Utertitsiniarneq nuussiniarnermi periaatsit assigalugit ingerlanneqassaaq. Norgemi

oqartussat qinnuteqaatit ataavartumik akissuteqarfigisassavaat, aamma sumiiffinni pineqartuni pisassiissutit nuunneqarsinnaasut qaqugukkulluunniit atuuttut pillugit Kalaallit Nunaanni Ruslandimilu oqartussat ilisimatittassavai.

3.4 Norgemi oqartussat Kalaallit Nunaata pisisai Norgemut nalunaarutigineqartut Ruslandimut ataavartumik nalunaarutigisassavaat. Taamatuttaaq Kalaallit Nunaannut pisassiissutit nungullugit aalisarneqarsimasutut naatsorsorneqarpata.

3.5 Kalaallit angallataasa Ruslandip aningaasarsiornikkut oqartussaaffigisaani aalisalernerat aalisarunnaarnerilu pillugit kiisalu sapaatit akunnikkaartumik nalunaarutit Ruslandimi oqartussanut nassiuttassavaat.

3.6 Peqatigiit nuussisinnaanermut siuliani taaneqartumut atatillugu ajornartorsiuteqartoqartillugu ^[L]_[SEP] oqaloqatigiinnikkut naapeqatigiittassapput.

4 ILISIMATUSARNIKKUT SULEQATIGIINNEQ

4.1 Norgep aamma Kalaallit Nunaata ilisimatusarnikkut suleqatigiinnerat tunngavissatut isumaqatigiisummi aalajangersakkat malillugit ingerlanneqassaaq, pingaartumik qalerallit, saarullit, suluppaakkat avaleraasartuullu pineqartillugit.

4.2 Suliniutit arlallit aallartipput 2026-milu ingerlaannassallutik. Taakkulu tassaapput: Tamanna ukununga tunngatillugu atuuppoq:

- Kalaallit Nunaanni aamma Norgemi qaleralik 2019-imiit annertusisamik ilisimatusarnikkut sammeneqarsimavoq. Aalisagaqatigiit katitigaanerat, nuttartarnerat, ukioqqortussusiat alliartortarnerallu pillugit nunat taakku marluusut 2019-2020 kiisalu suleqatigiissutigineqassapput aalisagaqatigiit nalilersorneqarnerannut katersisarneq, misissueqqissaarneq, sunniuteqaqatigiittarneq atortussanngortitsinerlu pillugit suliniuteqarlutik aallartipput. Suliniuteqarnermi uumasut uumassuseqarnikkut pissusaat pillugit pitsaannerusumik paasinninnerunissamik ilapittuuteqartoqassaaq, maannakkullu aqutsiveqarfinni tamani uumasut nalilernerqarnerinut qalerallinnillu siunnersuinnermut pitsaassuseq pitsanngoriaateqassaaq. Suliniutinut Nunat Avannarliit Ministeriisa Siunnersuisoqatigiivinit aningaasalersorneqartunut ilaatinneqassapput Havforskning sinstitut, Møreforsking aamma Pinngortitaleriffik kiisalu aalisarnermik inuussutissarsiutillit, tassaasut Royal Greenland aamma Polar Seafood Kalaallit Nunaat. Suliniut NOURSUSTAIN namminermini naammassineqareerpoq, kisiannili nassataralugu qalerallit pillugit ilisimasaqarnerulernissaq anguniarlugu suliniutit allat ingerlaannarnissaat.
- UArctic networking workshops aalisarnermi atortut pitsanngorsarneqarneri, matumanilu saattuarniarnermi pullatini illikartitsissutit. Tromsømi, Norgemi Universiteti, DFO, Canada, DTU-Aqua Danmark aamma GINR, Kalaallit Nunaat. Suliniuteqarneq taanna 2025-p aallartinnerani naammassineqarpoq.

- UArctic networking workshop, pineqarluni “immap naqqani mingutsitsineq aamma saliiniarluni suliniuteqarnerit pillugit ilisimatusarnermik aamma ilinniartitaanermik isumaqatigiissuteqarnek”. Tromsømi, Norgemi Universiteti, DFO, Canada, DTU-Aqua, Danmark aamma GINR, Kalaallit Nunaat.
- Tunup nunavittaata toqqavianut atatillugu toqqavimmi suluppaagaqatigiinnik peqarnera kalaallit norskillu ataatsimoortumik misissuineramik suleqatigiinnerisigut uppersarsineqarpoq. Suliniutip ingerlaannarnissaa naatsorsuutigineqarpoq. Ilanngullugulu *S. mentella* aamma *S. norvegicus* sananeqaataat pillugit misissuutissani paarlaasseqatigiittoqarsimavoq.
- Kalallit Nunaata, Norgep, Island, Savallimmiut aamma EU-p avaleraasartuut pillugit nalinginnaasumik suleqatigiinnerat, pingaartumik aalisagaqatigiinnik nalilersuinermit tunngatillugu.
- Ilisimasassarsiorluni angalanernit misiliutinik katersineq; ilisimatusarnermik suliniutinut suluppaagaqatigiinnillu naliliinissamut ilisimatusarnernit suliniutinut atatillugu apeqquilliisarnernut Kalaallit Nunaat Norgelu ikiorsiinarlutik eqaatsumik ingerlatsipput. Taamatut suleqatigiinneq 2026-mi nangissaaq.

5 AALAJANGERSAKKAT ALLAT

- 5.1** Kalaallit Nunaat Barentsip imartaani aalisakkanut pisassiissutinullu nunanit sinerialinnit tunniunneqarsimasunut aalisarnerminik killilersuiniarluni imminut pisussaaffilerpoq, aalisarnerup Norgep Ruslandillu inatsisitigut oqartussaaffianiittuunerat avataaniittuuneralluunniit apeqquataatinnaq.
- 5.2** Svalbardip eqqaani raajarniarneq eqqarsaatigalugu norskit aallartitaasa innersuussutigivaat Svalbardip eqqaani raajarniarneq pillugu peqqussutit 19. juli 1996-imi atuutilersinneqartut atortuutinneqassasut. Kalaallit Nunaata aallartitaasa tassunga atatillugu killilersuineq taanna pillugu isummatik Tusagassiuutinut Nalunaarummi takuneqarsinnaasoq norskit oqartussaasuinut 11. september 1997-imi tunniunneqartoq oqaatigaat.
- 5.3** Akuersissummut qinnuteqarneq ullut suliffiusut tallimat (5) ingerlaneranni suliarineqartassaaq.
- 5.4** Kalaallit Nunaata Norgellu akornanni nakkutilliinermi suleqatigiinneq isumaqatigiissut 4. marts 2005-imeersoq aqqutigalugu ingerlatiinnarneqassaaq.
- 5.5** Kalaallit Nunaata imartaani aalisartilluni aalisagaqatigiinnik angallatip akuersissutaanik allaanerusunik saniatigut pisisuukkanut Nalunaarut tunngavigalugu saniatigut pisassanit allaanerutillugit saniatigut pisisat ilanngaataasussaapput. Saniatigut pisassat nungunneqarsimappata imaluunniit angallat saniatigut

pisassinneqarsimanngippat, *Aalisarnermi saniatigut pisat pillugit nalunaarut* atuutilissaaq, tamatumunnga ilanngullugu angallatip amusernermi ataatsimi qaqitat oqimaassusaasa pisat tamakkerlugit 10 %-at, aamma 10 % sinnertillugu aalisarfimmit illikartoqartussaalluni.

- 5.6** Illuatungeriit isumaqatigiissutigaa Norskit Kalaallillu oqartussaata 2026-mi ERS pillugu suleqatigiinneq ataatsimiissutigissallugu NEAFC-mi akuerisat naapertorlugit.
- 5.7** Illuatungeriit sumiissutsit pillugit nalunaaruteqartarnerit nalunaaquttap akunnikkaartarnissaat isumaqatigiissutigaa.
- 5.8** Kalaallit Nunaata innersuussutigaa Norskit angallataat Kalaallit Nunaata imartaani kalaallinit pisassiissutit aalisartillutik pappilianik allattaaveqartassasut. Angallatit aalisareeraangamik pisanut allattuiffit Kalaallit Nunaanni oqartussanut uunga nassiuttassavaat:

Kalallit Nunaanni Aaliarnermut piniarnermullu nakkutilliisoqarfik
Postboks 501
3900 Nuuk
imaluunniit GFJK@nanoq.gl

Logbogini pappiaraasuni Kalaallit suleriaasiat malinneqassaaq, makkuninngalu imaqqassalluni: Piffissaq, (tiimi, minutsi); sumiiffik (allorniusaq sanimukartoq aamma allorniusaq tukimukartoq): ningittakkanik qassutinilluunniit amuarnerup aamma ningitsinerup aallartinnerani naammassineranilu itissuseq. Qalorsuit kalillugit aallartinnerani naanerani piffissaq, kilisareermermi imaluunniit ningitsinerup amerlassusaat aalisagaqatigiinnut agguarlugit, kilisannerup imaluunniit ningitsinerup aallartinnerani naammassineranilu atortut suussusaat, ningittakkani qassutinilu oqummersat amerlassusaat, pisanik atuneq, tamatumunnga ilanngullugit saniatigut pisat, aalisarfimmi angallammi pisarineqartut ullut tamaasa oqimaalutarneri; Akuersissutip normua.

- 5.9** Peqatigiit akornanni aalisarnermi paasissutissanik avitseqatigiittarnissamut isumaqatigiittoqarnissaata tungaanut maannamut periusarinerqartoq ingerlaannassaaq. Sapaatip akunneranut nalunaarutit ataasinngornerit tamaasa nal. 10.00 UTC nallertinnagu pisassapput. Nalunaarutit Kalaallit Nunaanni Aalisarnermut Piniarnermullu Nakkutilliisoqarfimmut mailikkut, KANUAPNA@nanoq.gl, -mut faxikkut +299 34 63 60-mut aamma Arktisk Kommandomut (AKO) fko-ktp-a-fio@fiin.dk-mut nassiunneqassapput.

Illuatungeriit aallartitaat ataatsimiinnissamullu oqaluuserisassat, kiisalu saarullinniarnissamut piumasaqaatit ilanngussani 1, 2 aamma 3-mi takutinneqarput.

Qarasaasiaq atorlugu, ulloq 8. januar 2026

Kalaallit sinniisuutitaat sinnerlugit

Norskit sinniisuutitaat sinnerlugit

Katrine Kærgaard

Bendik Skoglund

ULLORMUT OQALUUSERISASSAT

**Norge Kalaallit Nunaatalu akornanni aalisarnej pillugu 2026-mut
isumaqatigiissutissamut isumaqatigiinniarnermi oqaluuserisassat**

*Qarasaasiaq aqqutigalugu
6.-7. januar 2026*

1. Tikilluaqqusilluni ataatsimiinnermik ammaaneq allarniutaasumillu oqaatigisassat
2. Oqaluuserisassat akuerineqarnerat
3. Aalisarnerit tulleriiaarneqarnerat 2025-mullu pisat pillugit kisitsisit
4. 2026-mut ilisimatuussutsikkut siunnersuutit tulleriiaarneqarnerat
5. Ilisimatuussutsikkut suleqatigiinneq
6. Nakkutilliinikkut suleqatigiinneq
7. 2026-mut pisassiissutininik paarlaasseqatigiinneq
8. Aalisarnermi malittarisassat nutaajusinnaasut pillugit ilisimatitsineq
9. Tamalaat
10. Ataatsimiinnerup naammassinera

Kalaallit Nunaata Kitaani qalerallinniarnermut piumasaqaatit

Aalisarnermi misiliutinik tiguisarnissaq piumasaqataavoq. Sapaatip akunneranut marloriarluni qalerallit ikinnerpaamik 150-it uuttorneqartassapput.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Kalaallit Nunaat, Uunga Rasmus Nygaard imaluunniit qarasaasiatigut uunga Fisk-tap@natur.gl.

Periarfissap aappaatut Norgep paasissutissat norskit misiliutinik katersinissamut periusaanneersut, takissutsinik uuttuinerallit, Kalaallit Nunaata Kitaani qalerallit ataasiakkat uumassusilerinikkut paasissutissani utoqqaassutsit/otolithfoto ilanngunnerisigut kattullugit siuliani taaneqartumut nassiussinnaavai.

Tunumi Dohrn Bankemilu suluppaagarniarnissamut piumasaqaatit

Aalisagaqatigiinnik marlunnik aalisarnek (*S. norvegicus* og *S. mentella*) itissutsit assigiinnginnerat tunngavigalugu immikkoortinneqassapput, soorlu tamanna takussutissiaq 1-mi takutinneqartoq. Aalisagaqatigiiaanuk immikkoortiterlugit suluppaakkat pisarisatik aalisartut ilisimatitsissutigisassavaat, taamaalluni itissutsit killiliussaq inorlugu suluppaakkat pisat suluppaakkatut angisuutut nalunaarutigineqartassapput aamma itissutsit killiliussaq qaangerlugu suluppaakkat pisat suluppaakkatut itisoormiutut nalunaarsorneqartassallutik.

Takussutissiaq 1: Suluppaakkap angisuup suluppaakkallu itisoormiup immikkoortinnerannut itissutsit killinginut takussutissiaq Suluppaakkat pillugit aqutsinissamut pilersaarut malillugu.

Aqutsiveqarfik	Suluppaagaq angisooq (<i>S. norvegicus</i>)	Suluppaagaq itisoormioq (<i>S. mentella</i>)
Tunu	< 400 m	> 400 m
Dohrn Banke	< 500 m	> 500 m

Aalisarnermi misiliutinik tiguisarnissaq piumasaqataavoq. Suluppaakkat ilivitsut misiliutissatut tigusat 20-t sapaatip akunneranut qeritinneqartassapput. Amerlanerpaamikallarnermi ataatsimi aalisakkat ilivitsut 60-it. Misiliutissat Pinngortitaleriffimmut nassiunneqassapput, Postboks 570, 3900 Nuuk, Kalaallit Nunaat.

Suluppaakkanik aalisarnek aqutsiveqarfinni Tunumi aamma Dohrn Bankemi ingerlanneqassapput, soorlu tamanna takussutissiaq 2-mi nassuiarneqartoq. Tunumi aalisartoqarsinnaavoq, kisianni imartami itissutsit assigiinngitsuummata nalunaaruteqartarneq assigiinngitsusoq eqqumaffigineqassaaq.

Takussutissiaq 2: Tunumi Dohrn Bankemilu aqutsiveqarfiit takussutissartaat suluppaagarniarnermut aqutsinissamut pilersaarut malillugu.

Aqutsiveqarfik	Imartaq pillugu nassuiaat
Tunu	Kalaallit Nunaata aalisarnikkut oqartussaaffia 44°W-p kangiani nunami sumiiffik aamma titarnerup avannaani ukunani sumiiffiit: 59°15'N 44°00'V, 59°30'N 42°45'V, 60°00'N 42°00'V, 62°00'N 40°30'V, 62°00'N 40°00'V, 62°40'N 40°15'V, 63°09'N 39°40'V, 63°30'N 37°15'V, 64°20'N 35°00'V, 65°15'N 32°30'V, 65°15'N 29°50'V
Dohrn Banke	Nunarsuarmi imartaq pineqartoq, imartap oqartussaaffigisap avataani (allorniusat kimmukartut) kippasissutsip 27°-p kitaani (tunngaviusumik killeqarfimmit 3 sømil-it) aalisarsinnaanermut killeqarfiup tungaanut (Kalaallit Nunaata aningaasaqarnikkut oqartussaaffiata killeqarfia) avannarpasissutsimut 63°45'-imut kujammut killeqarfilik (allorniusat avannamukartut) aamma kippasissutsip 35°15'-ip kitaata (allorniusat kimmukartut) tungaanut.

Tunup kujataani aammalu Dohrn Bankemi saarullinniarmi piumasagaatit

Aalisarnermi misiliutininik tiguisarnissaq piumasagaataavoq. Sapaatip akunneranut marloriarluni qalerallit ikinnerpaamik 150-it uuttorneqartassapput tassungalu atatillugu, siunnai 20-it tiguneqassapput, takissusaat, oqimaassusai suaassusaalu ilanngullugit. Paasissutissat Pinngortitaleriffimmut nassiunneqassapput, Postboks 570, 3900 Nuuk, Kalaallit Nunaat, Uunga Anja Retzel, imaluunniit qarasaasiatigut uunga Fisk-tap@natur.gl.

Aqutsiveqarfinni Tunup kujataani aalisartoqaqqusaavoq. Piffissami suffiffiusussami 1. marsimit 31. maajimut Kleine Bankep eqqaani aalisarnek matoqqassaaq.

Takussutissiaq 3: Aqutsiveqarfiit tak. Tunumi saarullinnik aqutsinissamut pilersaarut

